



Sunndal kommune
Postboks 94
6601 SUNNDALSØRA

Iverksetjing av løyve til å felle skadegjerande gaupe, Heimfjellet - Sunndal kommune

Vi viser til telefonisk kontakt med Anders Holmen Kamsvåg og med Sunndal kommune v/ Tarald Thorshov samt til søknad av 20.07.2017 frå Sunndal kommune.

Med heimel i naturmangfaldlova § 18 første ledd bokstav b) og § 77, jf. forskrift om forvaltning av rovvilt § 9, jf. §§ 1 og 13, gir Fylkesmannen i Møre og Romsdal Sunndal kommune skadefellingsløyve på ei gaupe frå og med 21.07.2017 til og med 28.07.2017.

Fellingsforsøket skal gjennomførast av det kommunale fellingslaget, og vi stiller midlar til disposisjon for gjennomføring av fellingsforsøket.

Fylkesmannen har lagt særleg vekt tidspunktet for skaden og på å hindre vidare skade på sau.

Nærare vilkår følgjer av dette brevet.

Bakgrunn

Søknaden er fremma på bakgrunn av at det er funne tre kadaver av lam i buskapen til Ander Holmen Kamsvåg sidan måndag 17.7.2017. Kadaverfunna er gjort i Heimfjellet mellom Grødalen og Sunndalen ved Løstølhø. Statens naturoppsyn (SNO) har dokumentert at eit av lamma er drepe av gaupe. For dei to andre kadavera har ikkje SNO trekt endeleg konklusjon, men skadebiletet liknar på skade valda av gaupe.

Vi legg til grunn at det er valda skade av gaupe, og at det er fleire buskapar som beitar i dette beiteområdet slik at skadepotensialet er vesentleg.

Juridisk grunnlag for avgjerda

Det rettslege grunnlaget for avgjerda er Lov av 19. juni 2009 nr. 100 om forvaltning av naturens mangfold § 18 andre ledd bokstav b) og § 77, jf. forskrift 18. mars 2005 nr. 242 om forvaltning av rovvilt (rovviltforskrifta) § 13, jfr §§ 1 og 13.

Naturmangfoldloven § 18 (annet uttak av vilt og lakse- og innlandsfisk etter vurdering av

myndighetene):

Kongen kan ved forskrift eller enkeltvedtak tillate uttak av vilt og lakse- og innlandsfisk (...)

b) for å avverge skade på avling, husdyr, tamrein, skog, fisk, vann eller annen eiendom, (...)

Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte. (...)

Rovviltforskrifta § 9 (Fylkesmannen sin myndighet til å iverksette betinget skadefelling):

Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til

- a. områdets betydning som beitemark*
- b. skadenes omfang og utvikling*
- c. potensialet for fremtidige skader*
- d. muligheten for å gjennomføre forebyggende tiltak*

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, metoder for felling og utbetaling av fellingsvederlag og/eller dekning av påløpte utgifter med unntak av lønn mv. i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf. viltloven § 35.

Skadefelling er eit verkemiddel for å avhjelpe akutte skadesituasjonar som kan oppstå. Løyve til skadefelling er difor knytt til bestemte skadesituasjonar, og vert avgrensa i tid og rom.

Rovviltnemnda i region 6 har i vedtak av 20. april d.å. i sak 19/17 fastsatt en kvote på 5 betinga skadefellingsløyve på gaupe i region 6 (Sør- og Nord-Trøndelag, samt Møre og Romsdal) frå 1. juni 2017 – 15. februar 2018. I vedtaket står det mellom anna følgjande om skadefelling av gaupe:

«Bestanden ligger på bestandsmålet per i dag (tre års gjennomsnitt). Terskelen for felling av skadegjerande gaupe bør være lav i områder utan mål om yngling av gaupe.»

Fylkesmannen si vurdering

Etter naturmangfaldlova § 5 er det eit mål at artane og deira genetiske mangfald skal bli ivarettatt på lang sikt og at artane skal kunne finnast i levedyktige bestandar i sine naturlege utbreiingsområde. Tiltak etter naturmangfaldlova skal likevel vegast opp mot andre viktige samfunnsinteresser, jf. § 14. Naturmangfaldlova § 5 og prinsippet om geografisk differensiert forvaltning er konkretisert gjennom §§ 3 og 4 i rovviltforskrifta og gjennom den regionale forvaltningsplanen for rovvilt i region 6.

Det nasjonale bestandsmålet for gaupe er i rovviltforskrifta § 3 fastsett til 65 årlege ynglingar. Bestandsmålet er vidare fordelt på sju av åtte forvaltningsregionar for rovvilt, jf. rovviltforskrifta § 4. I rovviltregion 6 er det mål om 12 årlege ynglingar. Dei fylkesvise bestandsmåla går fram av forvaltningsplanen, og er i Møre og Romsdal på to familiegrupper årleg innanfor kvotejaktområdet på Nordmøre. Skadeområdet i denne saka ligg sør for kvotejaktområdet. Sørgrensa for kvotejaktområdet går i elva Driva som renn gjennom Sunndalen.

Etter rovviltforliket punkt 2.2.19 skal soneinndelinga forvaltast tydeleg. Dette er tydeleggjort i brev av 28. april 2014 frå klima- og miljøministeren til fylkesmennene og rovviltneemdene og i brev av 21. mai 2014 frå Klima- og miljødepartementet (KLD) og Landbruks- og matdepartementet (LMD) til rovviltneemdene, med kopi til Fylkesmennene. I område som i forvaltningsplanen er definert som yngleområde for rovvilt skal beitenæringa tilpasse drifta med utgangspunkt i at det vil vere rovvilt i beiteområdet. Her skal terskelen for skadefelling vere høg. I prioriterte beiteområde veg omsynet til beitenæringa tyngst, og det skal vere lav terskel for uttak av rovdyr som har gjort eller er venta å gjere skade i desse områda.

Etter naturmangfaldlova § 7 skal prinsippa i §§ 8 til 12 leggjast til grunn som retningslinjer ved offentleg myndighetsutøving. Offentlege vedtak som kan påverke naturmangfaldet skal så langt det er rimeleg vere tufta på vitenskapleg kunnskap om artar sin bestandssituasjon samt effekt av påverknad, jf. § 8.

Gjennom statusrapportar frå Rovdata og informasjon frå det nasjonale overvåkingsprogrammet for rovvilt har vi god kunnskap om den samla belastninga gaupebestanden er utsett for, jf. naturmangfaldlova §§ 8 og 10. Ut over nokre påkjørslar og predasjon, skjer avgangen av gaupe hovudsakleg gjennom jakt. Føre var-prinsippet i § 9 vert difor tillagt lita vekt i denne saka.

Fylkesmannen viser til forvaltningsplanen for rovviltregion 6, der det ikkje er mål om å ha gaupe i den delen av fylket som denne saka gjeld.

Det følgjer av rovviltforskrifta § 9, at Fylkesmannen skal gjere ei særleg vurdering av den konkrete situasjonen opp mot følgjande fire kriterium: området si betydning som beitemark, omfang og utvikling av skadane, potensialet for framtidige skader, og mogelegheita for å gjennomføre førebyggjande tiltak.

I Grødalen beitelag er det fleire brukarar som nyttar områda mellom Grødalen og Sunndalen til utmarksbeite for sau. Sjølv om dei skadane som er avdekt er moderate, er det midt i beitesesongen, og det er ikkje realistisk å få til anna førebyggjande tiltak mot skade enn ekstraordinært tilsyn og felling av skadegjerande gaupe. Sidan det er att langt over ein månad av den tida det er planlagt å ha sauene på utmarksbeite, er det eit vesentleg potensiale for vidare skade.

Vedtak

Ut frå vurderingane ovanfor og med heimel i naturmangfaldlova § 18 første ledd b) og § 77; jf. §§ 1, 3, 9 og 13 i rovviltforskrifta av 18.03. 2005, samt vedtak fatta av Rovviltnemnda for region 6 den 20. april 2017 i sak 19/17, gir Fylkesmannen Sunndal kommune fellingsløyve på ei (1) skadegjerande gaupe.

Følgjande vilkår er knytt til iverksetjing av fellingsløyvet:

1. Fellingsløyvet gjeld frå og med 21.07.2017 til og med 28.07.2017.
2. Løyve til felling gjeld innanfor beiteområdet Heimfjellet som ligg mellom Grødalen og Sunndalen i Sunndal kommune.
3. Gaupe i følgje med ungar er unnateke frå fellingsløyvet. Ungane er ikkje unnateke, og kan fellast.
4. Fellingsløyvet vert gitt til Sunndal kommune, som nyttar Håkon Melkild som fellingsleiar.
5. Fellingsleiar er ansvarleg for at alle i fellingslaget er kjent med vilkåra i dette vedtaket. Deltakarane i fellingslaget går fram av den lista kommunen har over dei som er registrerte som deltakarar.
6. Fellingsleiar og deltakarane i fellingslaget skal ha avlagt skyteprøve for bruk av rifle til storviltjakt seinast i 2016. Alle må og vere registrerte som lisensjegerar, jf. Forskrift om utøving av jakt, felling og fangst, av 22. mars 2002, §§ 13 og 14.
7. Det skal berre nyttast våpen og ammunisjon som tilfredsstillar krava til jakt på gaupe, jf. Forskrift av 22. mars 2002 om utøving av jakt, felling og fangst.
8. Felling eller forsøk på felling skal umiddelbart meldast til Fylkesmannen på mobilnr. 480 22 090 og til Statens naturoppsyn.
9. Dersom gaupe vert skadekoten pliktar dei ansvarlege å gjere det dei kan for å avlive dyret snarast mogeleg. Skyttar pliktar å forvise seg om påskote dyr er truffe eller ikkje. Ved skadeskyting skal skyttar utan opphald underrette Fylkesmannen og næraste politimynde (tlf: 02800). Fylkesmannen avgjer vidare gjennomføring og avslutting av ettersøk. Dei som har deltatt i fellingsforsøket skal utan godtgjering bistå forvaltningsmynde eller politimynde i det vidare ettersøket.
10. Gaupe felt i medhald av dette løyvet er viltfondet sin eigedom. Etter § 16 i Forskrift om forvaltning av rovvilt, skal jeger vise fram felt dyr for SNO for kontroll og prøvetaking så snart som råd etter felling. Jeger skal kunne påvise fellingsstad dersom SNO, politi eller Fylkesmannen ber om det.
11. Felling og forsøk på felling etter dette løyvet kan gjennomførast uavhengig av grunneigar sin jaktrett, jf. viltloven § 35.

12. I medhald av rovviltforskrifta sin § 9a kan deltakarar frå kommunale fellingslag få godtgjering for å delta i fellingsforsøket. Fylkesmannen legg til grunn at fellingsforsøket skal gjennomførast på ein effektiv og hensiktsmessig måte og sett ei økonomisk ramme på kr. 40 000,- til dette. Vi gir i tillegg Sunndal kommune høve til å nytte inntil kr. 10 000,- til dokumenterte utgifter i samband med fellingsforsøket (køyring, bompenger etc., ikkje løn). I tillegg til fastsett maksimal døgnset på 1 600 kroner, skal kommunene også rekne feriepengar og arbeidsgjevaravgift. Dette skal kommunen dekke innafor ramma på 40 000,-. Ramma er å betrakte som endelig for den perioden løyvet gjeld for. Dersom kommunen meiner det er ekstraordinære tilhøve som gjer at ramma bør aukast, må dette avklarast med Fylkesmannen før kommunen nyttar midlar ut over det som vi har gitt løyve til. Kommunen må sørge for at deltakerne i fellingslaget fører timelister og oversikt over tal kjørte kilometer og eventuelle andre utgifter. **Kommunen skal sende sin fellingslogg, med detaljert oversikt over utgifter knyttet til fellingsforsøket til Fylkesmannen i Møre og Romsdal så snart som råd etter at fellingsforsøket er avslutta, og seinast 31.08.2017.**

Klage

Dette vedtaket kan påklagast innan 3 veker etter at melding om vedtaket er motteke eller gjort tilgjengeleg i Miljøvedtaksregisteret; jf. forvaltningslova kap. IV, §§ 28 og 29. Ei eventuell klage bør grunngjevast og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Postboks 2520, 6404 Molde.

Alle vedtak som gjeld felling av freda rovvilt blir gjort tilgjengeleg på www.miljovedtak.no. Ein kvar kan fortløpande følgje med på vedtak som gjeld felling av freda rovvilt, ved å abonnere på vedtaka (epostvarsling).

Med helsing

Ulf Lucasen (e.f.)
ass. miljøverndirektør

Dokumentet er elektronisk godkjent og har ingen signatur.

Kopi:

Statens naturoppsyn	Postboks 5672 Sluppen	7485	TRONDHEIM
Anders Holmen Kamsvåg	Ratet	6613	GJØRA
Håkon Melkild	Hoåsvegen 275	6612	GRØA
Miljødirektoratet	Postboks 5672 Sluppen	7485	TRONDHEIM
Rovviltnemnda i region 6 v/	Posttboks 2600	7734	STEINKJER
Fylkesmannen i Nord-Trøndelag			
Sunndal lensmannskontor	Postboks 33	6601	SUNNDALSØRA